

ZASTUPNIČKA INICIJATIVA

Zastupnik- Hamed Aljović

Prema Vladi Kantona Sarajevo

Da Vlada Kantona Sarajevo formira ad hoc komisiju koja će imati zadatak da utvrdi na koji način se koriste i čuvaju svi stanovi koji su u vlasništvu Zavoda za izgradnju Kantona Sarajevo i da o tome podnese izvještaj Vladi i Skupštini Kantona.

Obrazloženje: Na 22 redovnoj sjednici Skupštine Kantona Sarajevo održanoj 14.11.2016. godine, u okviru tačke dnevnog reda poslanička/zastupnička pitanja sam postavio pitanje prema Zavodu za izgradnju Kantona Sarajevo. Od strane Zavoda sam dobio odgovor (akt br. 02-023-9383/16 od 01.12.2016. godine) na moje poslaničko/zastupničko pitanje sa kojim apsolutno nisam zadovoljan.

Pitanje Zavodu br.1: „*Da li je tačno da aktuelna direktorica Zavoda (u mandatu direktora) u Zavodu za izgradnju zaposlila svoja dva sina i ako jeste na koja radna mjesta i kada?*

U odgovoru Zavoda se navodi da je **jedan** sin zaposlen u Zavod na radno mjesto višeg referenta za prodaju stanova po zakonu a **nema odgovora na pitanje da li je i drugi sin također zaposlen u Zavodu.**

Pitanje Zavodu br.2. „*Da li je tačno da je aktuelna direktorica Zavoda (u mandatu direktora) jedan stan u vlasništvu Zavoda dodjelila svom sinu?“ i*

Pitanje Zavodu br.3. „*Da li je tačno da aktuelna direktorica Zavoda (u mandatu direktora) ključeve jednog napuštenog stana u vlasništvu Zavoda u ul. Džamijska dodjelila svom drugom sinu (zaposlenom kao referent za prodaju stanova u Zavodu) na čuvanje?“*

U odgovoru Zavoda se navodi da Zavod u aktuelnom mandatu direktora nije dodjeljivao stanove na privremeno korištenje niti su stanovi Zavoda dati na čuvanje zaposleniku Zlatku Pelidiji.

Smatram potpuno nekorektnim i ponižavanjem inteligencije poslanika/zastupnika u Skupštini Kantona ali i građana Kantona Sarajevo „igranje sa terminima“.

Bit mog pitanja je bila da dobijem odgovor na pitanje da li je aktuelna direktorica Zavoda zaposlila svoja dva sina u Zavod i da li se **fizički** nalaze u stanovima koji su u vlasništvu zavoda. To **što ne postoji odluka o dodjeli stanova na privremeno korištenje stanova Zavoda** nužno ne znači da se određene osobe ne nalaze u stanovima Zavoda.

Sarajevo, 28.12.2016. godine

Zastupnik

Hamed Aljović